

21 تفسير سورة الفرقان (21) من قول الله تعالى (والذين يبيتون لربهم سجدا وقياما) الآيات 17-46

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه كنت ارجو ان يكون بداية الحديث عن عباد الرحمن ان
يكثر عدد من يريد ان يكونوا عبادا للرحمن - [00:00:00](#)

ولكن يا حسرتنا على العباد لا ينتبه تذكرا ينطبق عليهم الا من رحم ربي. فما لهم عن التذكرة معرضين كأنهم حمر مستنفرة فرت من
قسورة حمر مستنفرة فرت من قسورة - [00:00:24](#)

نسأل الله العظيم رب العرش العظيم ان يثبت قلوبنا على الايمان وبعد صفات عباد الرحمن اول صفة يمشون على الارض هونا وتاني
صفة اذا خاطبهم الجاهلون قالوا سلاما والصفة الثالثة نرجو الله ونسأل الله ان يجعلها فينا ويجعلنا لها - [00:00:54](#)

الا وهي يبيتون لربهم سجدا وقياما يبيتون لربهم والمبيت ليس المبيت في رمضان وانما المبيت في الليل كل ليل يبيتون لربهم
نجتهد اه في رمضان ماشي لكن بعد رمضان لا نبيت لربنا كما كنا نبيت لربنا سجدا وايه - [00:01:23](#)

وقياما هم في اشرف الاحوال حالهم كده ليلهم كده كل ليلة مش ليالي رمضان كل ليلة هكذا حالهم وجاء التعبير بصيغة المضارع
يبيتون يعني دائما وابدا يبيتون لربهم سجدا وقياما. ذكرت الآية اشرف الاحوال واعظم الاحوال. سجادا وقياما - [00:01:58](#)

قياما قائمين لله قانتين حافظوا على الصلوات والصلاة الوسطى وقوموا اله قانتين واما السجود فهو اقرب العبد يكون فيه في اقرب
الوضاع الى الله واذا اقتربنا من الله ابتعدنا عن الشياطين - [00:02:29](#)

وابتعدنا عن ملذ الدنيا. واذا اقتربنا من الله اعطانا فوق ما نريد وحل لنا كل المشاكل ووسع الضيق وقرب البعيد لان قربنا منه اقترب
منه سبحانه وتعالى ولكن للأسف كلما نبتعد تتأزم الامور والمشاكل تزيد والهموم تكثر وما فيش حاجة بتتحل - [00:02:54](#)

والاحوال تسوء ما فيهاش لازم تسوء طالما احنا بعداء عنه سبحانه وتعالى ولذلك صح عن رسول الله صلى الله عليه وسلم انه قال
اقرب ما يكون العبد من ربه وهو ساجد - [00:03:24](#)

فاكثروا الدعاء رواه مسلم اقرب ما يكون العبد من ربه وهو ساجد فاكثروا الدعاء. فكثرة الدعاء اي حل لمشاكلنا والقرب من الله
ووصف الله عباد الرحمن ايضا في موضع اخر وقال كانوا قليلا من الليل - [00:03:44](#)

ما يهجعون وبالاسحار هم يستغفرون ووصفهم ايضا بقوله تتجافى جنوبهم عن المضاجع يدعون ربهم خوفا وطمعا ووصفهم مادحا
شأنهم وحالهم امن هو قانت اثناء الليل ساجدا وقائما يحذر الآخرة ويرجو رحمة ربه - [00:04:05](#)

بعدها يقول قل هل يستوي الذين يعلمون والذين لا يعلمون اذا العلم الحقيقي هو القيام لله عز وجل فالليل يبيتون لربهم سجدا
وقياما والمبيت هو النوم بالليل ما بيكونش الا بالليل يبيتون. فهم بقى الليل بالنسبة لهم ايه؟ اجتماع المحبوب بالمحب - [00:04:37](#)

المحبوب وهو الله المحب وهو عبد الرحمن والمطلوب هو الله والطالب وعبد الرحمن. ففي الليل يجتمع تجتمع يقرب المحبوب يقرب
المحب من المحبوب فيتقرب منه المحبوب. واذا تقرب اليه عبي بشبر تقربت اليه ايه؟ ذراعا. واذا تقرب الي ذراعا تقربت اليه باعا -

[00:05:06](#)

يبقى يبيتون لربهم ايه؟ سجدا وقياما هذا حال عباد الرحمن اما عباد الشيطان ممكن يكونوا برضه مشايخ. ممكن يكونوا عباد
الشيطان يبيتون لشيطانهم رقصا ولعبا وفرحا وترحا ليلهم قولي لهم كده ما هو صلى العشاء عامل كل حاجة صلى الوتر صلى

السنة خلاص بقى. لحد الصباح كده تبيت لليل - 00:05:42

بيتك ليلة كده اصلك ليلة كده مفروض تبيت لربك ساجدا وقائما. ده ان كنت عاوز تبقى من عباد الرحمن ازا لم تريد ذلك فانت انت

وشأنك الصفة الرابعة يطلبون صرف عذاب جهنم - 00:06:13

يطلبون صرف عذاب جهنم بيقولوا ايه والذين يقولون ربنا اصرف عنا عذاب جهنم ان عذابها كان غرابا وصرف العذاب ده مكسب

لوحده. صرف النزر بقى تيجي الجنة او لا تأتي صرف العذاب نفسه - 00:06:36

صرف العذاب هذا مكسب في صورة ال عمران فمن زحزح عن النار زحزح عن النار وادخل الجنة طب لو ما ادخلش الجنة؟ هو مكسب

كونه يزحزح عن النار مكسب فعباد الرحمن عفوا - 00:07:05

عباد الرحمن يقولون هنا في الاية اصرف عنا عذاب جهنم ان عذابها كان غراما الاية فيها دليل على ان الدعاء عبادة الدعاء عبادة يثيب

الله عز وجل عليها الداعي مدحهم الله بهذا الدعاء - 00:07:28

اصرف عنا عذاب جهنم مدحهم الله بهذا الدعاء ان عذابها كان غراما يعني ايه عذابها؟ غرامة الغرام والغريم لو سمعتم في الحياة كده

العملية يقول لك الغريم بيطالب بحقه. يعني ايه الغريم؟ غارم وغريم - 00:07:53

انسلوا حق عند انسان يطالبه ويلح عليه يسمى هذا بالغريم كونوا بيلج وبيطالب يسمى بالغريم والمولع بالنساء المحبة للنساء الولهان

بالنساء بنقول عليه مغرم مغرم بهن فعذاب جهنم غراما ازاى - 00:08:26

عذاب جهنم والعياذ بالله مغرم مغرم بالمعذبين طب العذاب ده شيء معنوي ولا شيء حسي ممكن تمسكه شيء معنوي وواحد بيتعذب

يعني ايه برضه بيتعذب اتعذب فعذاب جهنم غراما وغريم - 00:08:56

يعني بيطالب المعذب مولع بالمعذب رجل غريم مغرم بالنساء يعني يبحب النساء فعذاب جهنم يبحب النجد. اعوذ بالله. مين اللي

عارف كده بقى عباد الرحمن عباد الرحمن عارفين دي؟ ايوه ما هو دعاؤهم هو ده - 00:09:24

بيطلبوا من ربنا كده اصرف عنا عذاب جهنم. ان عذابها كان غراما هم جربوها لأ هي عقيدة عندهم. امال هي مخلوقة ليه ولو ان جهنم

مش مش عذابها غرام كانت تيجي في وقت تزهق - 00:09:52

صح ولا مش صح؟ زهقت من الناس انما لأ ده محبة بتحبهم بتعشقهم واحد مولع رجل مولع بالنساء مغرم فعذابها غرام يعني مولع

بالناس يبحبها اعوذ بالله فعباد الرحمن بيقولوا في الاية دي في آيات تانية بيطلبوا لأ تبعد خالص - 00:10:15

لكن هنا هو الموضع الوحيد اللي بيصفوا فيه عذاب جهنم بانه كان غراما في مواضع تانية بيطلبوا من ربنا ان يقيهم هذا الامر اصلا.

زي البقرة وال عمران. في البقرة مسلا ومنهم من يقول ربنا اتنا في الدنيا حسنة - 00:10:48

وفي الاخرة حسنة وقنا عذاب النار. غراما او غير غرام يا رب قنا عذاب النار. لكن هنا وصفه في سورة الفرقان بان انه العذاب مغرم

اعوذ بالله. العذاب نفسه العذاب نفسه نورا بالناس - 00:11:04

كأنه في احساس وادراك. يعني الملائكة ماشي الملائكة مخلوقة. غلاظ شداد لا يعصون الله ما امرهم ويفعلون ما يؤمرون العذاب

راخر عنده ادراك؟ ايوه طب الملائكة فيها عقل وفيها فهم وادراك - 00:11:21

كذلك في سورة ال عمران الذين يقولون ربنا اننا امنّا فاغفر لنا ذنوبنا وقنا عذاب النار انها ساءت مستقرا ومقاما. ساءت مستقرا

ومقاما. مستقرا يعني منزلا ومقاما يعني منزل منزل منزلها وحش - 00:11:39

واللي هينزل فيها هينزل منزلا سيئا ساءت مستقرا مقاما. عافانا الله واياكم طبعاً لأن ده كله يتناسب مع بعضه مش معقول هتبقى

عذابها مغرم بالناس وتبقى هي مكان كويس اكيد طبعاً حاجة سيئة والعياذ بالله - 00:12:05

الصفة الخامسة الخامسة اذا انفقوا لم يسرفوا ولم يقتروا اذا انفقوا لم يسرفوا ولم يقتروا وجوه الاسراف التي قال بها اهل العلم ايه

الاسراف ده؟ او الاسراف بيبقى في ايه بالزبط - 00:12:24

قالوا من انفق درهما في معصية الله فهو مسرف من انفق درهما في معصية الله فهو مسرف قال ابن سيرين السرف انفاقه في غير

حق تنفق في حاجة مش حق - 00:12:46

الشرف لم يتمتعوا للنعيم عباد الرحمن لما يبجي ياكلوا وما ييكلوش للنعيم. امال بياكلوا ليه؟ بياكلوا للقوة على الطاعة بياكلوا للقوة على الطاعة واذا لبسوا لبسوا للسترة الواجبة مش يلبسوا فخفة ورياء وسمعة لأ - [00:13:09](#)

اذا انفقوا لم يسرفوا طيب ما اسفقوش يبقى قتلوا ولم يقطروا يعني ايه يمسكوه خالص ما فيش انفاق خالص ويقطر يعني يمنع واجبا يمنع واجب عليه للاولاد يمنع واجب عليه للنساء. للزوجات يعني - [00:13:42](#)

او يمنع عن طاعة في فلوس هتنفق في طعم ما ينفقش. يبقى اذا اسرفوا اذا انفقوا لم يسرفوا لم يضعوا النفقة في غير محلها او يتجاوز بها الحد حد الاعتدال - [00:14:03](#)

ولم يقطروا يعني ما يقطروش ويمنعوا ييخلوا قوي ولزلك في حالات البخل سمح النبي صلى الله عليه وسلم لمن بخل عليهم ياخذوا حقهم لما شكت زوجة ابي سفيان كما روت عائشة انها قالت - [00:14:23](#)

ان زوجة ابي سفيان قالت للنبي صلى الله عليه وسلم ان ابا سفيان رجل شحيح بخیل جدا فاحتاج ان اخذ من ما له يعني بدون علمه لانه لو هتاخذ بعلمه ما هوش شحيح. فاحتاج ان اخذ من ما له. قال - [00:14:45](#)

خذي ما يكفيك وولدك بالمعروف والحديث رواه البخاري فالصفة دي مش من صفات عباد الرحمن لم يصرفوا لم يضعوا النفقة في حرام لم ينفقوا في غير حق ما فيش اسراف في النفقة - [00:15:11](#)

ما اكلوا زمن الرسول عليه الصلاة والسلام بيشخص ويشرح لنا القوام اللي في الاية اذا انفقوا لم يسرفوا ولم يقطروا وكان بين ذلك ايه؟ قواما يعني اعتدالا معتدلين في النفقات - [00:15:32](#)

معتدلين في النفقات الرسول عليه الصلاة والسلام شرح هذا القوام فقال ايه بقى ؟ او الاعتدال لا يعنيه قال كلكوا واشربوا والبسوا كلكوا واشربوا والبسوا وتصدقوا وتصدقوا في غير اسراف - [00:15:48](#)

ولا مخيلة يبقى لو في الاسراف والمخيلة حرام عليكم في الحاجات دي. في الاكل والشرب واللبس والصدقة وعن ابن عباس قال كل ما شئت والبس ما شئت ما اخطأتك اثنتا شرح الحديس يعني. سرف ومخيلة - [00:16:11](#)

يعني ايه وحياتك العامة حياتك الخاصة كل واشرب والبس وتصدق وكله بس بدون اسرار وبدون مخيلة بخیل يعني ايه؟ يعني تتباهى بالحاجة اللي انت بتلبسها وتتباهى بالحاجة اللي بتاكلها كتبها بالشيء اللي بتركبه الى اخره. فعباد الرحمن مش كده - [00:16:38](#)

احد الاخوة الاحباب عنده ولد صغير كده لسه في الابتدائي فشاف صاحب ابيه فعنده سيارة مرسيدس فبقول لسيارتك ديت عاملة خمسة مليون فالراجل انبسط يعني انت تعرف ازاي؟ قال له ما انا بدخل على انت وبعرف الاسعار - [00:17:04](#)

معي ولا مش معي؟ فربنا يكرمكم يعني وتركبوها ولا بلاش بلاش فالمهم خمسة مليون خمسة مليون تحت رجلي طبعا اكيد دي يعني اوتوماتيك مش كده ولا ايه اه تحت رجلي خمسة مليون - [00:17:29](#)

بجري بهم يمين وشمال يقول لك ما هو ربنا مدي له مش كده ؟ هقول كده وان ربنا بيحب ان يرى اسر النعمة على عبده. الله الله الله! ماشي يا عم - [00:17:48](#)

بس خلي بالك اللي صنعوا السيارة دي ما بيركبوهاش مع انهم عباد الشيطان انت معي ولا مش معي؟ اكيد سمعتوا ان في خطوط انتاج خاصة بالاثرياء ينتجوا وما يركبوش. ليه - [00:18:02](#)

اصل هم مش بالسفه اللي بعض المسلمين فيه ناس واعية ناس تعرف تجيب فلوس ما يركبوش العربيات دي يصنعوها انما ما بيركبوهاش. طب ليه؟ اركب اي حاجة تانية ده الاسراف بقى - [00:18:23](#)

يعني ليه بيبقى فيه الشباب العاقل كام شاب النهاردة ان ندوس على حاجة قاعد على كرسي الكرسي بتاعها زي ده. مش كده ولا ايه؟ يزيد حاجة بسيطة يعني وفي ايدي بتاع كده بحركها - [00:18:44](#)

وبقية السيارة ما لهاش لازمة. ما هي كل حاجة الكرسي اللي قاعدة دي. مش كده ولا ايه؟ هي دي اهم حاجة ان مش في جميع الاحوال هيركب معي ناس فيها اولادي خمسة مليون. انا ما اعرفش طبعا ممكن يكون في اغلى من كده بس انا بتكلم على ان انا ايه -

معافى الحمد لله يعني المهم خمسة مليون عربية تحت رجلي بتعمل ايه يعني تعمل بتوديني وتجيبيني يقول لك يا عم ما ده سروت ومليارات! ايوه ماشي الحقوق اللي عليه ايه - [00:19:16](#)

الواجبات المفروضة عليه ايه؟ يفتش فيها الاول. طب وبعد ما يخلص يركب برضه بخمسة مليون؟ لا برضو ليه؟ كده اذا ازا كان عاوز يبقى من عباد الرحمن ازا كانوا عاوزين بقى - [00:19:38](#)

اما من عباد ما يركب اللي يركبهم ويركب فانتم اركب طيارة ما دام ما يخلصناش. احنا عاوزين عباد الرحمن. اذا انفقوا لم يسرفوا ولم يقتروا. لان انا علي واجبات علي واجبات تجاه المسلمين اصلا - [00:19:55](#)

مش تجاه اولادي بس تجاه المسلمين. لما الرسول عليه الصلاة والسلام يقول من حفر بنر روما فله الجنة كان بيقرأوا روما ليه؟ لاني اليهود متحكمين في الماية وانا عاوز اعافي المسلمين من تحكم اليهود - [00:20:12](#)

كل ما يروحوا يشربوا القربة مسلا بدينار ولا بحاجة طب شوفوا هيجيبوا فلوس منين؟ هيلحقوا منين؟ دير القربة بدرهم او ايا كان المبلغ هيلحقه منين المسلمين واصلا المال شحيح اصلا. مين يحفر البير ده ولا يشتريها ولا ياخذها من اليهودي - [00:20:28](#)

فعسمان يعمل العملية ديت لانه حاسس ان في ليه فيه واجب عليه تجاه المسلمين وعسمان لما اشتراها من اليهودي كان ممكن يعني بلاش يبيع بربع السعر بربع السعر ويبقى ما زلمش المسلمين مسلا يعني لكن لا سبلها - [00:20:49](#)

جعلها لله وبقي يشرب منها زي اي واحد وجيش العسرة فانت لما تركب اركب حاجة معتدلة. انا قلت لكم اللي بيصنعوا العربيات دي ما بيركبوهاش او مصانعها لعقول بتعبد المظاهر. تعس عبد الدينار - [00:21:15](#)

وتعس عبد الدرهم وتعس عبد الخميصة. خميصة يعني لبس بيلبس فيبقوا زيها السيارة اللي بتركب عشان بيتلبس شيء بتركب فييصنعوا الحاجات دي ما بيركبوهاش. مين اللي بيركبها؟ الناس اللي معها فلوس ومش عارفة الحق الله في المال - [00:21:35](#)

لانه فاهم حتى لو طلع الزكاة لا ده فيه حق في المال اكثر من الزكاة في اكثر من الزكاة الشاهد عباد الرحمن اذا انفقوا لم يسرفوا ولم ايه ولم يقطعوا. ده كله اسراف - [00:21:56](#)

كل ده صح. برضو خش على التليفونات اسراف وهتتحاسب عليه والله العزيم لتتحاسب عليه تلفون بقضي الغرض ايدن ما يادم طلع واحد حديس سمعنا سمعنا في ثلاثينات وخمسينات كده ولا في في اغلى من كده؟ في اغلى من من خمسين؟ كمان - [00:22:15](#)

طيب ليه بيعمل ايه بيعمل ايه يعني؟ اسراف هتتحاسب. طب انا معي معي وبطلع الزكا برضو هتتحاسب. لتسألن يومئذ عن النعيم فليه ليه؟ اذا انفقوا لم يسرفوا ولم يقتروا وكان بين ذلك ايه؟ قوامة - [00:22:36](#)

قوامة. والقوام زي ما قلت لكم الرسول شرحه. كلوا واشربوا والبسوا. ده لو اسرفت في الصدقة حرام عليك ازا يعني الفلوس اللي معي كلها وزعتها خالص كل كلها ما تخليش حاجة للعيال حرام عليك اصلا. ما ينفعش - [00:23:06](#)

هترجع تمد ايدك انت وعيالك واتوا حقه يوم حصاده ولا تسرفوا انه لا يحب المسرفين. يبقى عباد الرحمن وسط عندهم اعتدال في كل حاجة. اذا انفقوا لم يسرفوا ولم يقتروا وكان بين ذلك ايه؟ قواما - [00:23:24](#)

الصفة السادسة والذين لا يدعون مع الله الها اخر سبحان الله! في النص كده طب يعني ما جتش في الاول ليه؟ لان دي اكبر الزنوب يدعوننا مع الله باكبر الزنوب. يعني هي اخف - [00:23:45](#)

ولا المشي في الارض هونا ها المشي فيه متكبرا بلاش آآ عباد الرحمن السيئات لو فيه سيئات هيمشوا متكبرين تجديه اكثر ولا لا يدعون مع الله؟ يتحط فوق في الاول. التوحيد في الاول خالص - [00:24:03](#)

لا يدعون مع الله الها اخر النص جه قال لا يدعون والذين لا يدعون مع الله ما قالش ولا يعبدون مع الله ولا يعبدون مع الله. يبقى الدعاء هو الايه؟ العبادة - [00:24:23](#)

ولا ولا يدعون ولا يدعون فكل من عبد غير الله ليس من عباد الرحمن. شيخ داعية امام اية من الايات بتوع الشيعة دي يقول لك اية الله مش عارف اية الله هو اية شيطان اصلا - [00:24:42](#)

اية الله فلان الفلاني بيعمل كذا كذا. شفت واحد منهم في عاشوراء قلع العمة السودا بتاعته عيشته ربنا يجعل عيشتهم سدا على طول ونزل لطم على دماغه ويخبط على دماغه وعلى الصلغ بتاعته - [00:25:01](#)

وهو واقف على المنبر فوق وطبعا واللي تحت عمالين ايه المهم كل دول يدعون ايه يدعون مع الله ايه؟ الها اخر. وبيزنوا ان هم عباد الرحمن. وبيزنوا ان هم محبي الحسين وال بيت رسول الله صلى الله. انزل - [00:25:16](#)

صلى الله عليه وسلم. انزل عندنا هنا تلاقي بقى كل بقى المريردين بتوع الاضرحة والحاجات دي كده. لا يدعون مع الله الى هذا اخر فكل من يدعو مع الله الها اخر ليس من عباد الرحمن - [00:25:33](#)

الرحمن لا يدعون مع الله الى هذا اخر سئل النبي صلى الله عليه وسلم من من عبد الله بن مسعود يا رسول الله اي الذنب اعظم كانوا يسألوه عن خير الاعمال. ويسألوه مرة عن احب الاعمال - [00:25:47](#)

هنا بقى ببسألوه عن ايه؟ اعزم الذنوب فاحب الاعمال ماشي خير الاعمال ماشي عاوزين نعرف الذنوب الوحشة برضو. رتبها لنا كده يا رسول الله. اي الذنب اعظم؟ عند الله. قال ان تجعل - [00:26:05](#)

ندا وهو خلقك. يا اعظم ايوه فعلا ليه؟ لانك بتساوي ربك سبحانه وتعالى بمخلوق ينفع يعني كده النصارى ليل ونهار عايشين في اعظم الابيه اي الذنب اعظم ان تجعل لله ندا ندا وهو خلقك - [00:26:23](#)

وتلافيك انت بقى في عيده ومن اعياده اللي بيجعل الله فيها ندا عاوز تهنيه. ولو حد قال لك ما تهنهوش بيبقى زعلان صح ولا مش صح؟ وتنبسط نقول لك هنيه اصل بيهنيك - [00:26:48](#)

طب وانت بتجعل لله ندا ما يهيني انما انت ما تهنهوش. ان تجعل لله ندا وهو خلقك. قلت ان ذلك العظيم. ثم اي؟ قال وان اقتل ولدك وان تقتل ولدك تخاف ان يطعم معك. هيقسمك في الرزق يعني هيقسمك في الرزق. وده بقى كتير بقت موضة دلوقتي - [00:27:04](#)

قلت ثم اي؟ قال ان تزاني حليلة جارك ان تزاني حليلة جارك ذنوب عزيمة. طب لو سأله كان هيرتب له برضو. بس الثلاثة دول كفاية. ده الثلاثة دول واد جهنم - [00:27:27](#)

اي الذنب اعظم؟ ان تجعل لله ندا؟ تقتل ولدك تزاني حليلة زجاجك. الصفة السابعة بيبقى والذين لا يدعون مع الله الها اخر ولا يقتلون النفس التي حرم الله الا بالحق. ولا يقتلون - [00:27:44](#)

النفس النفس النفس كل ما يقال عنه نفس. يعني مسلا العمود ده لا يقال عنه نفس. دي مش نفس ما فيهاش روح مش كائن حي هو اه في حركة لكن ما فيهوش روح - [00:28:04](#)

لا يقتلون النفس التي حرمت. ايا كانت النفس حتى ولو نملة حتى ولو طائر فما بالك بالانسان؟ ثم فما بالك بالعالم او العابد او الداعية وبعد كل ده يزن الواحد اللي بيعمل الحاجات الجرايم دي كلها يزن من عباد الرحمن المخلصين - [00:28:19](#)

ومش اقل منكم احنا عارفين ربنا وان لله وان اليه راجعون. عن ابي هريرة قال رسول الله صلى الله عليه وسلم نزل النبي من الانبياء ممن سبق مش نبينا لأ نبي ممن سبق. نزل نبي من الانبياء - [00:28:46](#)

نزل نبي من الانبياء تحت شجرة فلدغته نملة فلدغته نملة فامر بجهازه فامر بجهازه فاخرج من تحتها. من تحت الشجرة يعني. ثم امر ببيتها فاحرق بالنار العش بتاع النمل كله ولع فيه - [00:29:05](#)

عشان نملأ اراسيته فاوحى الله اليه وليقتلون الابيه ها النفس. ده من عباد الرحمن خلي بالك ده نبي من عباد الرحمن ومن يعني من الصفوة كمان مش من عباد الرحمن العاديين ده من الصفوة - [00:29:35](#)

طبعا في عتاب من الله عز وجل له. والعمل اللي عمله ما كانش يقصده او جايه ما يعرفش حكمه والله اعلم فامر ببيتها فاحرق بالنار فاوحى الله اليه فهلا نملة واحدة - [00:29:53](#)

يعني احرق النملة او اقتل النملة اللي ايه اللي لدغتك انما القرية بيت النمل كله بيت النمل كله اسراف صافي القتل دي من ناحية ومن ناحية ولا يقتلون النفس التي حرم الله ايه - [00:30:12](#)

يبقى الله احل قتل النملة اللي قرصت الايه واضح ولا مش واضح؟ ولا يقتلون النفس التي حرم الله الا يبقى اللي قتل بس انما الباقي بتقتله ليه لان ربنا حرم قتلها. وما فيش حق - [00:30:34](#)

اللي قرصت بس. مر عمر عفوا مر ابن عمر بفتيان من قريش شباب نصبوا طيرا طير حقيقي طير حقيقي عصفور هدهد ايا كان الطير يعني عاملين له شهد كده وحاطينه - [00:30:53](#)

وبينشوا عليه التنشين وتعليم الرماية من السنة. بس المشكلة في ده دلوقتي ممكن يعني مسلا في طير اللي هو الحاجات اللعب اللي العيال بيبيعوها على السريع والحاجات دي. مش كده ولا ايه - [00:31:11](#)

طير لعبة طير بلاستيك مسلا اه ماشي او اي شاهد المهم وجدهم نصبوا طيرا ويرمونه طب وحق الطير ده تعالوا لصاحب الطير السهم اللي مش هيجي فيه خده لك ما هو كده يعني آا الطين هيتقتل بقى مش هيرجع ثاني مش نافع - [00:31:26](#)

ما هو بيتعلموا فيه النشان. فقالوا له السهم اللي هيخطى بيبقى بتاعك جعلوا لصاحب الطير كل خاطئة من نبلهم. اللي يخطى خده. فلما رأى رأوا الشباب الفتية دول رأوا ابن عمر - [00:31:47](#)

عرفوا انه بيعملوا حاجة غضب جريوا اتفرقوا تفرقوا ليه ابن عمر شافنا يبقى عارفين هما يعملوا ايه حاجة غلط غلط اولاد عندهم حياء والله. دلوقتي الناس تشوف العالم ولا حد يقيم له وجهه. زي ما هم بيعملوا - [00:32:05](#)

زي ما هم بيعملوا بيدخنوا وبيشربوا حاجة. تعال خد لك نفس. اقعد اتفضل نجيب لك يتفرقوا يعني معقول يقوموا من على القهوة ويمشوا يعني معقول شافوا عالم فايت عليهم رايح يصلي في مسجد مسلا اه - [00:32:30](#)

وعارفين ان ده عالم وعارفين من اهل الفضل واهل العلم المفروض يتفرقوا. استخبوا. معقول! ايوا ده لو كان فيه ايه لو كان فيه حياء لكنه فين هو هتجيبه منين ثاني؟ الاولاد الصغار تفرقوا لما رأوا - [00:32:50](#)

ابن عمر ابن عمر فقال ابن عمر من فعل هذا؟ مين اللي حط الطير ده كده وخليكم تنشنوا عليه؟ ان رسول الله صلى الله عليه وسلم لعنوا من اتخذ شيئا فيه الروح غرضا. غرضا يعني ايه؟ شاهد ينشن عليه - [00:33:10](#)

اللي تورع عن قتل نملة طبعا لا يقتلون النفس التي حرم الله ايه لما بيتورع عن قتل نملة تنور يتورع عن قتل قطة مرة عن قتل طائر فهو بالنسبة لقتل الانسان اشد تورعا - [00:33:34](#)

اشد تورعا او قتل نفسه مستحيل واحد من عباد الرحمن ينتحر. مستحيل طبعا. هو مش هيقتل حاجة لا نملة ولا طير ولا حاجة. هيقتل نفسه. زهق يبقى مش عمره ما يبقى من عباد الرحمن. مش ممكن - [00:33:56](#)

عبدالرحمن يوتي لنفسه اه يبقى ولا يقتلون النفس التي حرم الله الا بالحق. ولذك قال الرسول صلى الله عليه وسلم لا يحل كم امرئ مسلم يشهد ان لا اله الا الله واني رسول الله الا باحدى ثلاث. النفس بالنفس - [00:34:11](#)

الزاني والمارق من الدين التارك للجماعة. غير كده لأتات حاجات توجب قتل النفس المسلمة الحاجات دي توجب قتل الناس غيري كده لأ وعن عبدالله بن عمرو عن النبي صلى الله عليه وسلم قال - [00:34:33](#)

لزوال الدنيا اهون عند الله من قتل رجل مسلم تزول الدنيا كلها. سهلة وربنا يجيب خلق جدد لكن قتل رجل واحد مسلم صعب تخيل شوف المقارنة والرسول عمل مقارنة بين ايه تزول الدنيا كلها كلها - [00:34:52](#)

تزول كلها ويجي خلق جدد بس مسلم واحد ما ايه ما يتقتلش. الصفة الثامنة ولا يزنون يبقى لا يدعون مع الله الها كل دي في اية واحدة. لا يدعون مع الله الها اخر وليقتلون النفس التي حرم الله الا بالحق. ولا يزنون - [00:35:13](#)

الصفة الثامنة ولا يزنون عباد الرحمن لا يزنون لا يزنون. ليه؟ لانهم التزموا قول ربهم ولا تقربوا الزنا. يبقى ما بيقرّبوش الى الاسباب المؤدية الى الايه فجّت هنا ولا يزنون لان هم اصلا هم ايه اللي وصلهم يبقوا عبادا للرحمن - [00:35:33](#)

لما التزموا الاوامر فصاروا عبادا للرحمن. والاوامر اولها ايه؟ ولا تقربوا الزنا. فما بيقرّبوش منه ما يعرفوش يعني ايه؟ يعني لا فيه كلام ولا فيه نذرات ولا فيه كذا ولا فيه كذا. فالحاجات دي ما بيقرّبوش منها، فعلشان كده هم - [00:36:02](#)

ايه لا يزنون. الزنا عموم القبيح ولكنه درجات فيه بعضه اقبح من بعض. بعضه اقبح من بعض سئل النبي صلى الله عليه او عن اه سئل

عن المقداد ابن الاسود قال سأل رسول الله صلى الله عليه وسلم اصحابه عن الزنا. رأيكم في ايه يعني - [00:36:22](#)

عن الزنا. قالوا حرام حرمه الله ورسوله. فقال صلى الله عليه وسلم لان يزني الرجل عشر دي الجديدة بقى هم عارفين ان هو حرام.

الجديدة بقى في الحديث لما اتسألهم هو صلى الله عليه وسلم قال لان يزني الرجل - [00:36:49](#)

بعشر نسوة ايسر عليه مش اللي هو عمله صح لأ. ايسر عليه من ان يزني بامرأة جاره يعني لو كان شاب يبقى المفروض ينجي لي بكم جلدة؟ عشرة في مية؟ اه - [00:37:13](#)

وان كان محصن هنرجمه عشر مرات ما هو من المرة الاولانية هيموت. ايسر عليه لان الجار ده له وضع ثاني خالص. حتى الجار ده لو كان مسلم الحديث عام. الحديث هنا عام - [00:37:35](#)

وبرضو الزنا بالكافرة برضه حرام اصلا اه ما تفكرش ان هو يعني بالكافرة حلق بلاش ان بلاش ان هي جارة. بت في اوروبا اي حاجة اي بلوى في اي بلوى. برضو لأ هو حرام حرام بنص - [00:37:51](#)

الحديث حرام حرمه الله هم بيقلولوا كده. الصحابة بيجاوبوا الاجابة ديت. قال لهم بقى طيب هو حرام بس مع زوجة الجار المطلقة. زوجة جار مسلم جار كافر ايا كان الجار. بعشر نسوة - [00:38:06](#)

ايسر عليه من ان يزني بعشر نسوة وسألهم عن السرقة قالوا حرام. حرمه الله عز وجل ورسوله فقال لان يسرق من عشرة عشرة اهل ابيات يسرق من عشر بيوت اهون عليه او ايسر عليه من ان يسرق من بيت جاره. برضو جاره ايا كان. هو جاره - [00:38:23](#)

شوف بقى يشرق عشر بيوت في اي محافظة في اي مكان بس جاره لأ مش معنى ذلك ان السرقة من برة حلال لأ كله حرام بس الحرمة هنا ايه ها - [00:38:50](#)

درجات درجة. يبقى لا يدعون مع الله الها اخر ولا يقتلون النفس التي حرم الله الا بالحق. ولا يزنون ومن يفعل ذلك دي ما لهاش دعوة علاقة بلاش دي علاقة بصفات عباد الرحمن. زي جملة اعتراضية كده. ومن يفعل ذلك يلقي اثاما - [00:38:59](#)

احنا بنتكلم على صفات عباد الرحمن والايات بتتكلم عن صفات عباد الرحمن ومن يفعل ذلك يلقي اثاما. اثاما قيل واد في جهنم. يلقي يعني هيقابل يقابل يعني ويشوف. يلقي اثاما - [00:39:19](#)

يعني يلقي واد في جهنم. يلقي اثاما قيل اودية في جهنم والعياذ بالله يعذب فيها الزناة خاصة بهم يعني او يلقي اثاما يعني يلقي جزاء عمله يلقي اثاما يعني يلقي جزاء عمله - [00:39:32](#)

الدخيل الفاحشة اه ده بقى اللي هو اللي هو والمنتشر بين الشباب. اه. اه هو في حديث النبي عليه الصلاة والسلام يقول كتب على ابن ادم حظه من الزنا - [00:39:54](#)

ادرك ذلك لا محالة فالعينان تزنيان وزناهما النظر واليدان تزنيان وزناهما البطش. وزناهما البطش وآ اللسان يزني وزناه الكلام والله اعلم. والفرج يصدق ذلك او يكذبه يبقى كتب عليه حظه من الزنا ادرك ذلك لا محالة. بمعنى - [00:40:19](#)

ان الماء الرجل او المرأة اذا نظر الى المرأة نزرة شهوة ونظرة تلتز ونظرة اعجاب ورغبة فيها فقد وقع في زنا البصر وقع في زنا البصر لو لمسها بيده وسلم عليها وصافحها وتلتز بيدها - [00:40:57](#)

واستطعم نعومتها فقد وقع في الزنا. زنا اليد اللمس لو كلمها كلاما حرك شهوتها وحرك شهوته دون ان يحدس اي شيء بعد ذلك وقع في زنا اللسان والقول الفرج هو بقى اللي يكمل الموضوع او ما يكملوش. ممكن يعمل الثلاثة دول وكل واحد يمشي - [00:41:30](#)

خلاص اما الفرد بقى هو اللي ايه؟ يؤكد الموضوع او يكمله او ما يكملوش. فده بقى اسمه ايه؟ دي يعني او درجات الزنا او اصناف الزنا الزنا الاولاني لا يوجب حدا - [00:41:59](#)

لا يوجب حدا لو نزر نزرة شهوة ونزر نزرة استمتاع وكزا وكزا ليوجبوا حدا انما ممكن يبقى فيه تعزير ممكن يبقى فيه تعزير ماشي؟ كذلك الكلام. كذلك الكلام المصافحة. اما اللي بيوجب الحد هو الايلاج او هو - [00:42:17](#)

الفرق لكن كله سماه الشرع بالزنا سماه الشرع بالزنا واضح على فيلم اي طبعا كلام فاضي يعني. ايوة. اه نعم زنا العين. ينطبق عليه زنا العين طبق عليه زول عن كل المناظر اللي بيعجب بها ينطبق عليه الزنا العين - [00:42:42](#)

ومن يفعل ذلك يلقي اثمًا وادي في جهنم او اودية في جهنم يعاقب فيها الزناة. ومع وجوده بقى في الاودية دي يضاعف له العذاب يوم القيامة يضاعف يوضع اي يكرر - [00:43:08](#)

ويزاد ويغلظ عليه يضاعف يعني يكرر يغلظ ويخلد فيه مهانا اي حقيرا ذليلا في العذاب ده يستثنى من ذلك ايه بقى الا من تاب وامن وعمل عملا صالحا اللي هيتوب الله سبحانه وتعالى يتوب عليه - [00:43:29](#)

يبقى الجزاء اللي عمل الحاجات دي اللي قتل النفس وزنا وعمل كزا وعمل كزا يلقي ايه؟ اثمًا يضاعف له العذاب يوم القيامة ويخلو فيه يستثنى من كل دول مين؟ الا من تاب ايه - [00:43:56](#)

وامن وعمل عملا صالحا طب التوبة لازم تكون في الدنيا. ويعمل العمل الايه؟ الصالح فاولئك ايه بيدل خلي التبديل ده دلوقتي شوية. المهم التوبة هنا التوبة تقبل انتم يعني لو قتل النفس التوبة برضو تقبل - [00:44:09](#)

كيسول اية النساء ومن يقتل مؤمنا متعمدا ومن يقتل مؤمنا متعمدا فجزاؤه جهنم خالدا فيها وغضب الله عليه ولعنه واعد له عذابا عظيما ايتي النساء مدنية يعني نازلة بعد اية مين؟ بعد اية الفرقان اية الفرقان مكية - [00:44:30](#)

واية الفرقان بتقول بعد القتل النفس والحاجات ديت الا من تاب وامن وعمل ايه عملا صالحا فهنا التوبة مقبولة. بس بشرط يتوب شرط ايه؟ يتوب لان ايت النساء وان كانت مدنية الا انها مطلقة في اي حد يقتل متعمدا. بس تاب تحمل على من لم يتب. اللي هي اية النساء - [00:44:55](#)

دي في حق ايه اللي ما تابش انما اللي تاب ينطبق عليه هذه الاية الا من تاب وامن وعمل عملا صالحا وينطبق عليها شايف سورة النساء ايضا ان الله لا يغفر ان يشرك به ها ويغفر ما دون ذلك - [00:45:26](#)

لمن يشاء. وثبت في السنة الصحيحة ان النبي صلى الله عليه وسلم ذكر ان اللي قتل المنة تاب وتاب الله عليه. واضح اه في حديث القتل وعند مسلم اللي قتل مية وشاب تاب الله ايه عليه - [00:45:44](#)

الا من تاب وامن وعمل عملا صالحا فاولئك يبذل الله سيئاتهم حسنات وكان الله غفورا رحيما الحافظ ابن كثير قال في تبديل الحسنات السيئات بحسنات دي قال عن نقل عن اهل العلم قولين - [00:45:59](#)

يعني نقول بهم ان شاء الله الا من تاب وامن وعمل عملا صالحا. فاوليك يبذل الله سيئاتهم حسنات. القول الاول سيئات مش سيئات اللي هي السيئة المكتوبة لأ السيئات دي عملوا مكان السيئات اللي كانوا بيعملوها عملوا ايه - [00:46:20](#)

حسنات يبذل الله سيئاتهم يعني السيئات اللي كانوا بيعملوها يبطلوها ويعملوها ايه حسنة كانوا بيعملوها سيئات بيشربوا سجائر وحشيش وو بطلوه وبقوا يتصدقوا بحق السجائر بقت بخمسين دلوقتي مش كده ولا بقت بكم؟ ها خلاص هم تابوا قال لك تغلى ما تغلاش الخمسين جنبه اللي كنا هنجيب بهم - [00:46:45](#)

هنعمل ايه هل تصدق به يبقى بدل الله ايه ها سيئاتهم مش السيئات المكتوبة لأ العمل نفسه العمل كان بيعمل سيئة لغاها وبقى يعملها مكانها ايه ها؟ حسنة هي من مكانها حسن - [00:47:14](#)

آآ نعم اه لأ لسه ده القول الاول ووجيه جدا. ايوة نعم زي اهل بدر اعملوا ما شئتم فقد غفرت لكم فالله سبحانه وتعالى خلى العبد بدل ما كان بيعمل سيئات بدلها بحسنات - [00:47:34](#)

وهو اللي هيعملها برضو او العبد على هيئة قبيحة هيئة قبيحة زي ما بقول لك انا برضه بيشرب بيعمل تارك للصلاة. عشت كلها توهام. اتحالب بدل. والهيئة اتبدلت. اكيد انتم اكيد انتم عارفين شباب بالشكل ده. هوب - [00:48:01](#)

عرف سكة المسجد اطلق اللحية بطل يمشي مع البنات شفتهم حاجات زي كده ولا ما شفتوش؟ يبقى بدل الله سيئاتهم هيئته عدله وزي بتوع الادمان في ممكن العيال بتبقى مدمنة وتحسن - [00:48:21](#)

ويتوب ويرجع مساجين. فيه ناس بتبقى مجرمين كمان مش آآ مش سياسيين مجرمون وبطلعوا مشايخ يبقى بدل الله سيئاتهم حسنات يعني غير هيئته بدل ما كان ماشي في الطريق ده وبيعلم السيئات - [00:48:41](#)

لانه تاب وامن واياه؟ وعمل عملا ايه؟ صالحا. فيبتدي يمشي في الطريق الصح. ثاني. او بدل الله السيئات هم حسنات. في صحابة

كانوا كده. كانوا في صحابة بتعبد الاوثان بدل الله سيئاتهم حسنات بقوا يعبدوا الواحد الديان. وتركوا عبادة الاوثان. في صحابة كان بتقاتل المسلمين. بدل الله - [00:49:01](#)

سيئاتهم حسنات وبقي يقاتلوا مع المسلمين كانوا يقاتلوا الايه؟ المسلمين. بقوا يقاتلوا مع مين؟ مع المسلمين. بدل الله سيئاتهم حسنات كانوا بينكحوا المشركات خلاص ممنوع نكاح المشركات. ينكح المؤمنات ينكح العفيفات. كل ده تبديل للسيئات بايه - [00:49:26](#)

بحسنة القول الثاني ان دي السيئات مكتوبة فعلا تبدل فالتبديل الاول طيب طيب فعلا الواحد هو اللي يلحق يلحق انما الثاني ده الثاني ده التبديل الثاني ده هيبقى بعد عزاب - [00:49:49](#)

التبديل الثاني دهو تبديل السيئة المكتوبة ده هيبقى بعد عزاب انما الثاني تبديل احوال تبديل اعمال تبديل هيئة كل ده وهو لسه ايه ها عايش فلما هو يتنقل بقى من حال الى حال يعمل بقى حسنات كتير. الثاني ده هيبقى بعد عزاب - [00:50:11](#)

اللي هو تبديل السيئة الحسنة بس بعد عزاب انما الاولاني زي من الامسلة من الصحابة. الصحابة كانوا بيعبدوا الاوثان اصبحوا يعبدوا الواحد الديان هم اللي بيعبدوا وبقوا من السابقين بقوا من السابقين. واضح ولا مش واضح؟ كانوا بيشرربوا الخمر - [00:50:33](#)

خلاص بطلوا يشرربوا الخمر؟ انتهى كانوا يقاتلوا المسلمين زي خالد. اصبح يقاتل مع مين هو اللي يقاتل بقى وخذ لقب اه سيف الله حمزة كان برضه مش حلو مع المسلمين لما اسلم بقى اسد الله. بدل الله سيئاتهم ايه - [00:50:52](#)

حسن. القول الثاني بقى السيئات اللي انكبت تنقلب حسنات تنقلب ايه ها حسنات لو تاب خير وبركة طب لو تاب هتتبدل ازاي؟ ما هي الاية بتقول الا من تاب وامن وعمل عملا ايه - [00:51:11](#)

الندم توبة كل ما يندم ويتذكر يتذكر الزنب يستغفر ويندم. الاتنين دول بيوجعوه يستغفر مع الزنب. الاتنين دول يتحولوا الى طاعة وحسنة يبقى بسبب ندمه واستغفاره تكتب له ايه حسنة - [00:51:29](#)

هو ما عملش حاجة هو بس كل اللي عمله ندم واستغفار ندم واستغفار الاتنين دول يتحاسبوا يترتب عليهم الايه؟ تكتب له حسنة. وفي حديث بقى كمان عن سيدنا النبي. قال رسول الله صلى الله عليه وسلم. حديث ابي ذر - [00:51:49](#)

اني لاعلم اخر اهل الجنة دخولا الجنة واخر اهل النار خروجا منها. يبقى كان فين ها كان بيعمل ايه؟ اه اهو بقى اللي حالة معنا يعني واخر اهل النار خروجا منها. رجل يؤتى به يوم القيامة فيقال اعرضوا عليه صغار ذنوبه - [00:52:04](#)

الصغار بس وروها له وارفعوا عنه كبارها. ما توريهوش الكباير فتعرض عليه صغار ذنوبه فيقال عن ابي ذر قال رسول الله صلى الله عليه وسلم اني لاعلم اخر اهل الجنة - [00:52:32](#)

دخولا الجنة واخر اهل النار خروجا منها رجل يؤتى به يوم القيامة فيقال اعرضوا عليه صغار ذنوبه وارفعوا عنه كبارها فتعرض عليه الصغار ذنوبه فيقال عملت يوم كذا وكذا وكذا وكذا - [00:52:55](#)

وعملت يوم كذا وكذا وكذا اللهم استرنا بسترِكَ الجميل. فيقول نعم لا يستطيع ان ينكر وهو مشفق من كبار ذنوبه ان تعرض عليه فمخبيئها الملايكة مخبيئها وعارف ان في حاجات مش موجودة - [00:53:24](#)

وما بينكرش الصغار وهو مشفق من كبار ذنوبه ان تعرض عليه فيقال له فان لك مكان كل السيئة حسنة لك مكان كل السيئة ايه حسنة خلاص يبقى الصغار هيتبدلو هيقو ايه - [00:53:50](#)

حسنا فيقول ربي قد عملت اشياء لا اراها ها هنا تخيل اما ابن ادم ده يعني ما اغدره خصيم فعلا ظلوم وجهول لكن رحمة ربنا سبحانه وتعالى عملت اشياء لا اراها ها هنا - [00:54:12](#)

طب اللي انت عملتها ده هي كباير كباير عملت اشياء لا اراها ها هنا ما هو لما هيسمع فان لك مكان كل سيئة حسنة وسيئة صغيرة قال فين الكباير بقى عشان تبقى بدالها برضه ايه - [00:54:38](#)

حسنات فلقد رأيت رسول الله اي ابو ذر يقول يعني. فلقد رأيت رسول الله صلى الله عليه وسلم ضحك حتى بدت نواجذه هنا في شبهة تخلي بالكم منها هذا العبد - [00:55:05](#)

آخر اهل الجنة ها دخولا الجنة واخر اهل النار خروجا من الايه من النار. يعني قعد في النار شوية وفي ناس سبقوه يبقى اللي اتبدلت سيئاتهم حسنات وهم عايشين افضل ولا ده - [00:55:23](#)

ها؟ دول كم افضل تغيير الهيئة لما كانوا على هيئة سيئة وسكة سيئة وربنا سبحانه وتعالى عجلهم ها ماشي فالمهم ايهم اصله في ناس فاهمة دي ويقول لك طب ما كويس انا حامل هم ايه - [00:55:49](#)

والسينات حتى اللي انا عملتها هتتقلب يعني عادي قل له لآ اصبر ده انت هتتعزب الاول وبعدين التبدل ده لتأهيلك لدخول الجنة التبدل ده لتأهيلك اما اللي دخلوها قبليك بسنين اصلا مؤهلون لان هم ان كان في تبدال لهم تبدال وهم احياء - [00:56:17](#)

فالسكة بتاعتهم اتعدلت بدري بدري انت تعدلت ببعدين اوعى تنتزر كده اوعى تنتظر ان تبدل سيئاتك حسنات بعد ايه؟ ما تموت لا. تعمل ايه دلوقتي يبقى الا من تاب وامن وعمل عملا صالحا - [00:56:47](#)

تاب يبقى فيه زنوب الزنوب دي يستغفر كل ما يستغفر تكتب له حسنة كل ما يندم تكتب له. لان الندم توبة ويجدد كل زنب لزلك ابن مسعود كان يقول لك المسلم يرى زنوبه فوقه كالجبل - [00:57:07](#)

فوق دماغه كده جبل هيقع ليه؟ هيندك عليه والمنافق يرى ذنوبه كزباب زوما بيحي على وشك تقوم عامل له كده يمشي اهو المنافق منافق زنوبه عادي مش ما بتأسر فيه. بيفتكرهاش - [00:57:30](#)

ما بيتزهوش المؤمن بقى اللي هو من عباد الرحمن اللي معنا ده زنوبك الايه كالجبل دايم في دماغه ودايم فاكرها ويستغفر وبيندم على كل اللي ايه عمله نعم مرة تانية عشان - [00:57:50](#)

نعم اشتغلت نعم. التوبة تجب ما قبلها ومن تاب وعمل صالحا فانه يتوب الى الله متابا ومن تاب وعمل صالحا فانه اي فان الله يقبل توبته كما قال تعالى ومن يعمل سوءا او يظلم نفسه - [00:58:16](#)

ثم يستغفر الله يجد الله غفورا رحيم وقال تعالى الم يعلموا ان الله هو يقبل التوبة عن عباده ويأخذ الصدقات وان الله هو التواب الرحيم وقال تعالى قل يا عبادي الذين اسرفوا على انفسهم لا تقنطوا من رحمة الله - [00:58:39](#)

الا من تاب وامن وعمل عملا صالحا فاولئك يبدل الله سيئاتهم حسنات وكان الله غفورا رحيم. ومن تاب وعمل صالحا فانه ايه اه ولذلك ايه؟ التوبة ان ربنا لما بيوفقك لها ويقبلها منك ثاني. يعني هو يوفقك للتوبة ويقبل منك التوبة - [00:59:02](#)

وعلى الثلاثة الذين خلفوا حتى اذا ايه ها؟ ضاقت عليهم الارض بما رحبت وضاقت عليهم انفسهم وظنوا الا ملجا من الله الا اليه. ثم تاب الله عليه ليتوبوا وفقهم فوفقوا - [00:59:25](#)

اتاب عليهم وقبل منهم نكتفي بهذا القدر ونسأل الله ان ينفعنا بما علمنا وان يعلمنا ما ينفعنا. صلى اللهم وسلم وبارك على نبينا محمد نعم ما فيش فرق. المبزر والمسرف - [00:59:47](#)

الواحد ان المبزرين كانوا اخوان الشياطين. والمسرف الله لا يحب المسرفين. والله لا يحب الايه؟ المبزرين. ما تقريبا قريبين من بعض او شكل بعض والله اعلم - [01:00:06](#)